



Protokoll frå fellesrådsmøte 12. september 2017.

Desse møtte: Trygve Ebbesvik (leiar), Torbjørn Støylen (nestleiar), Anne Karin Watters (kommunal repr.), May Lisbeth Hovlid Aurdal, Svein Runde (prost) og Arild Sporsheim (kyrkjeverje).

Forfall: Irene Hørte Høibakk og Anne Rita Kvistad Utgård (vararepr.).

F-sak 16/17 Godkjenning av innkalling og saksliste

Vedtak:

Godkjent utan merknad.

Vedtaket var einstemmig, 5 røyster for.

F-sak 17/17 Protokoll frå fellesrådsmøtet 6. april 2017

Vedtak:

Godkjent utan merknad

Vedtaket var einstemmig, 5 røyster for.

F-sak 18/17 Budsjettgjennomgang

Kyrkjeverjen orienterte.

Vedtak:

Kyrkjeleg fellesråd tok det til vitande.

Vedtaket var einstemmig, 5 røyster for.


F-sak 19/17 Søknad om kommunal ramme til drift administrasjon, kyrkjer og gravplass 2018

Orienteringar frå kyrkjeverjen:

Årsresultat 2009-2016

Drift administrasjon, kyrkjer og kyrkjegard.

2009	2010	2011	2012	2013	2014	2015	2016
Rammeløyving: kr 3 564 000,00	Rammeløyving: kr 3 531 592,00	Rammeløyving: kr 3 629 000,00	Rammeløyving: kr 3 629 000,00	Rammeløyving: kr 3 629 000,00	Rammeløyving: kr 3 829 000,00	Rammeløyving: kr 3 933 000,00	Rammeløyving: kr 3 933 000,00
Årsresultat: kr -79 493,00	Årsresultat: kr -77 030,00	Årsresultat: kr 25 605,00	Årsresultat: kr -23 492,00	Årsresultat: kr 58 167,00	Årsresultat: kr -119 046,00	Årsresultat: kr 40 429,00	Årsresultat: kr -157 211,00





DEN NORSKE KYRKJA

Sykkylven kyrkjelege fellestråd

Som tabellen viser er den nyare rekneskapshistoria til Sykkylven kyrkjelege fellestråd prega av meirforbruk/underskot.

Disposisjonsfondet pr. 31.12.2016 viser dermed ein negativ saldo på kr. 235 828,-.

Vakansar

Det kan seiast at dette er til tross for at det i fleire år har vore utstrekt bruk av timebaserte vikarar på grunn av ulike vakansar i staben. Ingen langtidssjukmeldte og samarbeidet med frivillige/uløna medarbeidarar gjer at bruken av timebaserte vikarar no er nede på eit minimum.

Uløna/frivillige medarbeidarar

Utvida bruk av frivillige har med andre ord hatt kompensierende effekt i møte med dei ulike vakansane. Og som eit ledd i å være involverande og nytenkande har Sykkylven kyrkjelege fellestråd mellom anna erstatta ei 10% kyrkjetenarstilling med frivillige kyrkjetenarar. Sameleis er det inngått ein arbeidsavtale med ein frivillig økonomimedarbeidar i om lag 20% stilling. Effekten av desse uløna medarbeidarane blir synleggjort i KOSTRA-tala frå Statistisk Sentralbyrå (SSB) som viser at talet på løna tilsette pr. 1000 innbyggjar er ein god del lågare enn kommunar vi kan samanlikne oss med (jf. vedlegg 1).

Mange ulike bygg og vedlikehaldsprosjekt har også blitt gjennomført med bruk av frivillige/uløna medarbeidarar, samt ulike lag og organisasjonar.

Soknerådsfinansierte investeringar/prosjekt

Vidare er forvaltninga og drifta av kyrkjene også i sterk grad prega av økonomiske bidrag frå både Ikornnes sokneråd og Sykkylven sokneråd (jf. vedlegg 2-5). Dette gir seg direkte utslag i kyrkjenes både utsjånad og funksjonalitet.

Kostnadseffektiv drift med kvalitet

Mellom anna med bakgrunn i det som no er nemnt kan Sykkylven kyrkjelege fellestråd formidle at forvaltninga av kyrkjekontoret/administrasjonen, kyrkjene og kyrkjegarden blir utført på ein svært kostnadseffektiv måte. KOSTRA-tal underbygger dette ved å vise at Sykkylven kommune gir eit markant lågare rammetilskot til Den norske kyrkja enn samanliknbare kommunar (jf. vedlegg 6-7).

Tilbakemeldingane frå publikum er mange og i all hovudsak svært positive. Dermed kan kyrkjeleg fellestråd med stoltheit også vise til at vi leverer kvalitet på våre varer og tenester.

Kyrkjene som kulturbygg

SSB sine statistikkar viser også at kyrkjene i Sykkylven i stor utstrekning blir brukt til konsertar og andre kulturelle arrangement (jf. vedlegg 8). Kyrkja kan mellom anna vise til godt samarbeid med Sykkylven kommunes kultureining, med skular og barnehagar.

Kyrkja som viktig aktør i folkehelsearbeidet

Som dei ulike punkta ovanfor også viser har svært mange av kommunens innbyggjarar ulike tilknytningar og relasjonar til kyrkja sitt arbeid. Verdiformidlinga, trusopplæringsarbeidet, tenestetilbodet og fellesskapsbygginga er ulike eksemplar på kyrkja sin innsats for direkte eller



DEN NORSKE KYRKJA

Sykkylven kyrkjelege fellesråd

indirekte å fremme befolkningas helse og trivsel. Dette kan seiast å være viktige faktorar i det førebyggjande arbeidet, men som i utgangspunktet er vanskeleg å måle/talfeste.

Tilskot til ungdomsarbeidar

Eit av satsingsområda til kyrkja er ungdomsarbeidet. I samband med dette blir ein del av den kommunale ramma fordelt til 25% løn av Ungdomsarbeidar. Denne fordelinga har si historie tilbake til kommunens og politikaranes konkrete tiltak for å førebygge nye tilfelle av overdose blant bygdas ungdomar. Av ulike arbeidsoppgåver til denne ungdomsarbeidaren kan nemnast; Open Storhall, Alternativ Rus(s) og MOT Sykkylven. Utfordringa for Sykkylven kyrkjelege fellesråd er at desse midlane ikkje er «friske» pengar gitt som ekstra løyving, men er baka inn kommunens lovpålagte rammetilskot til drift av administrasjon, kyrkjer og gravplass.

Budsjettforslag

For 2017 leverte vi ein rammesøknad på kr. 4 724 377,-. Dette var inklusive kr. 300 000,- i manglande investeringsmidlar i år 2016. Med fråtrekk av investeringane og med tillegg for lønns- og prisvekst (3%) blir dette kr. 4 601 352,- for år 2018.

.....

Vedtak:

Sykkylven kyrkjelege fellesrådet (SKF) gjorde i F-sak 19/17 vedtak om å søke om ei løyvinga på til saman kr. 4 601 352,- i kommunal ramme til drift administrasjon, kyrkjer og kyrkjegard 2018. I dette inngår ei fordeling på kr. 156 700,- til 25% løn av ungdomsarbeidar.

Fordelinga av ramma:

- kr. 3 555 721,- til drift kyrkjer og kyrjekontor. (fordelt 65/35)
- kr. 888 930,- til drift kyrkjegard. (20% av ramma)
- kr. 156 700,- til 25% løn ungdomsarbeidar.

I forhold til rammesøknaden bes kyrkjeverjen om å konkret synleggjere dei økonomiske gevinstane ved involveringa/bruken av uløna/frivillige medarbeidarar til henhaldsvis kyrkjetenar og økonomimedarbeidar. Kyrkjeverjen bes også om å formidle rammesøknaden ut til dei politiske partigruppene via servicekontoret til kommunen.

Vedtaket var einstemmig, 5 røyster for.

F-sak 20/17 Innspel til leiarsamtale

Kyrkjeverjen deltok ikkje i denne saka.

Vedtak:

Fellesrådsleiar og nestleiar tok innspela til vitande.

Vedtaket var einstemmig, 5 røyster for.



DEN NORSKE KYRKJA

Sykkylven kyrkjelege fellesråd

Orienteringar:

- Kommunal strategisamling 2017
- Nytt song- og taleanlegg i kyrkjekjellaren, Sykkylven kyrkje
- Lyddemping av kyrkjestova i Ikornnes kyrkje
- Utviding av Sykkylven kyrkjegard
- Redusert presteressurs
- Detaljreguleringsplan for gamle Jarnes skule

Neste møte: 5. desember 2017

Ref.:

Arild Sporsheim
Kyrkjeverje / Dagleg leiar

Sign.: _____
Leiar

Sign.: _____
Nestleiar